

**NIPPON TA ENTREGA
GROUNDSTATION PA
ARUBA**

PAGINA **3**




**ABUELA MAESTRA DI
KARATE CU SU 89 ANA**

PAGINA **11**



Proyecto Melchior pa Aruba critica severamente den Tweede Kamer



Diario
di ARUBA
Bo Matutino
Netamente Arubiano

DAVIERNA 20 SEPTEMBER 1985 AÑA 4, No. 1427

30 kilometro cuadra di Mexico City casi totalmente destrui

GUATEMALA: Ayera durante un terremoto cu ariba escala Richter a midi 7.8, 30 kilometro cuadra di capital di Mexico a keda casi totalmente destrui. Imagennan cu a ser capta di television di Mexico na Guatemala, cu su informacionnan ta bisa cu ademas di esey, cuatro provincia a ser afecta seriamente. Ayera anochi na television por a mira entre otro con gruponan di rescate tabata saca hende for di e ruinan di edificionan cu a basha den otro. Otronan a pega na candela debi na explosionnan di gas.

Cifra oficial di e cantidad di mortonan no tabata tin te cu ayera anochi laat, pero segunhefe policial di Mexico City, Ramon Mota Sanchez, mas o menos 40 edificio grandi y sigur 75 edificio chiquito a keda destrui. Segun television mexicano lo mester tin centenares di morto. Entre edificionan cu a ser destrui of cu a haya dañonan masha grandi tin tambe varios hotel y hospital. Embahada mexicano na Washington a bisa cu un ola marea por alcanza costa di oceano pacifico for di California pa Ecuador. Segun e embaha un di cada tres edificio den e ciudad a ser destrui y cu e estadonan mas afecta tabata Michoacan, Guerrero y parti sur di Jalisco cu nan ta keda den e parti zuidwest y mas cerca di e epicentro cu Mexico City.

E ultimo informenan cu a ricibi ayera anochi ta muestra cu a ser saca for di e ruinan 1500 sobreviviente te awor, segun television mexicano.

Autoridadnan a pidi companianan di aviacion pa no bula over di e lugarnan afecta ya cu nan sonido y temblamentonan por causa cu mas edificio lo por basha den otro. Den e lugarnan mas afecta e habitantenan a ser pidi pa mantene silencio di manera cu gruponan di rescate por scucha pidimento di auxilio cu ta sali for di ruinan.

Desde dia 3 di maart cu Chile a ser alcanza pa un terremoto di mes forza y unda por lo menos 177 persona a perde nan bida y 2500 herida, esaki ta e terremoto mas grandi registra.

Ariba pagina dos por lesa mas di e catastrofe aki.



Diputado Grace Bareño y staff di Biblioteca Publico di Aruba a tuma despedida di Ruth Geerman kende ta bandona servicio di Gobierno di Aruba. Durante e ultimo seis añanan Ruth a traha na Biblioteca Publico di Aruba. Staff di Biblioteca Publico ta ñamenta e baimento di un empleado manera Ruth, pero ta respeta su decision. Diputado Bareño a entrega un banderín di Aruba, pa asina Ruth semper lo tin un recuerdo di Aruba na Hulanda. Tabata presente e directora di Biblioteca Alice van Romondt y e funcionarionan Lourde Croes, Lucienne Duffries, Ido Yanez y Fenchie Dubero.